

LAPORAN AKHIR LATIHAN INDUSTRI DI
HOSPITAL UNIVERSITI SAINS MALAYSIA
KUBANG KERIAN, KOTA BHARU KELANTAN

OLEH

HASLINDA BINTI MAT GHANI
Sarjana Muda Pengurusan (Polisi Dan Sekitaran Sosial)

Laporan Latihan Industri Diserahkan Kepada
JABATAN EKOLOGI SOSIAL
FAKULTI PENGURUSAN DAN EKONOMI
KOLEJ UNIVERSITI SAINS DAN TEKNOLOGI MALAYSIA
(KUSTEM)

2005

1100039797



LI 19 FPE I 2005



1100039797

Laporan akhir latihan industri di Hospital Universiti Sains Malaysia / Haslinda Mat Ghani.

PERPUSTAKAAN

**KOLEJ UNIVERSITI SAINS & TEKNOLOGI MALAYSIA
21030 KUALA TERENGGANU**

1100039797

Lihat sebelah

HAK MILIK
PERPUSTAKAAN KUSTEM

**LAPORAN AKHIR LATIHAN INDUSTRI
DI HOSPITAL UNIVERSITI SAINS MALAYSIA KUBANG
KERIAN, KOTA BHARU KELANTAN**

Oleh :

**HASLINDA BINTI MAT GHANI
Sarjana Muda Pengurusan
(Polisi dan Sekitaran Sosial)**

Laporan Latihan Industri Diserahkan Kepada

**JABATAN EKOLOGI SOSIAL
FAKULTI PENGURUSAN DAN EKONOMI
KOLEJ UNIVERSITI SAINS DAN TEKNOLOGI MALAYSIA
(KUSTEM)**

2005

1100039797

SENARAI KANDUNGAN

SENARAI KANDUNGAN

MUKA SURAT

Pengesahan Keaslian Laporan		i
Penghargaan		ii
BAB 1 : Pengenalan		1
1.1 Pendahuluan		1
1.2 Objektif Latihan Industri		1
BAB 2 : Latar Belakang Hospital Universiti Sains Malaysia		3
2.1 Pengenalan		3
2.2 Maklumat Organisasi		4
2.3 Objektif Hospital		5
2.4 Objektif Unit		6
2.5 Fungsi atau Peranan		6
2.6 Perkhidmatan yang diselenggarakan		7
2.7 Klasifikasi pesakit yang menerima rawatan		7
2.8 Lembaga Pengarah		9
2.9 Aktiviti Organisasi dan Prosedur		10
2.10 Carta Organisasi		25
2.11 Kemahiran yang dipelajari		26
BAB 3 : Mengenalpasti Masalah		28

3.1	Pengenalan	28
3.2	Mengesan sistem sedia ada	28
3.3	Analisis dan perbincangan	31
3.4	Langkah-langkah yang perlu diambil	32
BAB 4 : PENUTUP		33

RUJUKAN

LAMPIRAN

Pengesahan Keaslian Laporan

Dengan ini saya HASLINDA BINTI MAT GHANI (UK 8315)

mengaku bahawa laporan Latihan Industri bagi kursus SOS 4299 adalah hasil usaha saya sendiri. Segala bentuk penulisan yang terkandung dalam laporan ini adalah merupakan pandangan dan pendapat saya yang berasaskan kepada pengaplikasian teori dan pengalaman yang dipelajari semasa menjalani Latihan Industri semata-mata. Fakulti Pengurusan dan Ekonomi (FPE), KUSTEM tidak terikat dengan isi kandungan laporan tersebut.

Tandatangan



Nama : HASLINDA BINTI MAT GHANI

Tarikh: 20 NOVEMBER 2005

Disahkan Oleh:



Penyelia KUSTEM
b/p Pengerusi Latihan Industri
Fakulti Pengurusan dan Ekonomi
KUSTEM

PENGHARGAAN

Dengan nama Allah S.W.T yang maha Pemurah dan Maha Penyayang, selawat dan salam ke atas junjungan besar nabi Muhammad s.a.w, keluarga serta sahabat-sahabat baginda sekalian.

Bersyukur kehadrat ilahi kerana dengan limpah kurnia-Nya dapat saya menyiapkan latihan amali dan indusrti dengan jayanya bagi memenuhi syarat untuk Ijazah Sarjana Muda Polisi Dan Sekitaran Sosial di KUSTEM. Dengan usaha tidak pernah kenal erti jemu serta batuan daripada rakan-rakan seperjuangan yang lain, akhirnya dapat juga menyiapkan tugas pada masa yang ditetapkan.

Kepada penyelia saya Dr. Asyraf bin Abdul Rahman. Atas bantuan dan tunjuk ajar dan akhir sekali kepada rakan-rakan yang memberi pendapat, tunjuk ajar dalam menyiapkan laporan ini.

Dikesempatan ini juga ingin saya ucapkan setinggi-tinggi penghargaan kepada pihak yang terlibat dalam membantu terutamanya Pihak kakitangan Hospital Universiti Sains Malaysia Kubang Kerian kerana menerima saya untuk menjalani latihan prktikum selama 3 bulan. Dengan bantuan dan tunjuk ajar yang diberikan. Tanpa bantuan mereka mustahil kami dapat menyiapkan laporan ini.

Tidak lupa kepada penyelia kami En. Sharai Ibrahim dan kakitangan Unit Kebajikan Perubatan Hospital kerana kesudian mereka dalam membantu kami. Tidak lupa juga kepada semua kakitangan Hospital Universiti Sains Malaysia.

Terima Kasih.

BAB 1

PENGENALAN

1.1 Pendahuluan

Latihan industri merupakan satu aspek yang sangat penting dalam program pengajian di Fakulti Pengurusan dan Ekonomi di Kolej Universiti Sains dan Teknologi Malaysia (KUSTEM).

Melalui latihan industri ini pelajar akan ditempatkan di agensi awam ataupun swasta di mana pelajar berpeluang untuk belajar melalui pemerhatian dan juga penglibatan secara langsung dalam bidang pekerjaan. Pada masa yang sama juga, pelajar berpeluang mempelajari aspek-aspek pentadbiran dan pengurusan organisasi sesebuah agensi.

1.2 Objektif Latihan Industri

Semasa menjalani latihan industri antara perkara yang telah pelajar dapat pelajari ialah

- Pengalaman dan kemahiran asas profesional pekerjaan yang berkaitan dengan program pengajian masing-masing.
- Mengaplikasikan teori yang telah dipelajari dalam kuliah dengan realiti alam pekerjaan

- Menjalin dan mengekalkan hubungan alam profesional dalam bidang masing-masing
- Memahami nilai etika profesional
- Menunjukkan kebolehan dalam pekerjaan dan seterusnya mendapat peluang pekerjaan apabila bergraduat nanti.

BAB2

LATAR BELAKANG HOSPITAL UNIVERSITI SAINS MALAYSIA

2.1 Pengenalan

Kampus kesihatan Hospital Universiti Sains Malaysia Kubang Kerian (HUSMKK) telah ditubuhkan pada bulan Ogos 1983. Ia khususnya bagi bidang perubatan dan separa perubatan. Bermula dengan HUSM, kampus ini berkembang setelah Pusat Pengajian Sains Perubatan (PPSP) dipindahkan dari kampus induk di Pulau Pinang ke kampus di Kelantan.

Projek pembangunan siap pada awal tahun 1990. Keseluruhan PPSP berpindah ke kampus induk pada Jun 1990. Ini juga detik permulaan jentera pentadbiran kampus kesihatan. Setelah itu, dua pusat pengajian yang baru menyusul iaitu Pusat Pengajian Sains Pergigian (PPSG) dan Pusat Pengajian Sains Kesihatan (PPSK) menjadikan kampus kesihatan lengkap sebagai pusat pengembangan ilmu dan pakar selain daripada kemudahan pembelajaran, penyelidikan dan perkhidmatan untuk dimanfaatkan oleh kakitangan dan juga pelajar.

2.2 Maklumat Organisasi

2.2.1 Latar Belakang

Pada asalnya bangunan hospital ini dibina di bawah Kementerian Kesihatan Malaysia. Penubuhannya bermula pada tahun 1980. Pada akhir tahun 1982 Universiti Sains Malaysia (USM) telah mengambil alih. Hospital Universiti Sains Malaysia (HUSM) ini telah beroperasi sepenihnya pada tahun 1983. ia keketuai oleh seorang pengarah dan di bawahnya terdapat tiga lagi timbalan pengarah. Ia terbahagi kepada Timbalan Pengarah Pengurusan, Timbalan Pengarah Klinikal dan Timbalan Pengarah Farmasi.

Di bawah Timbalan Pengarah tersebut pula terdapat beberapa unit di bawahnya dan diketuai oleh Ketua Penolong Pengarah, Penolong Pengarah dan Penyelaras. Bagi Timbalan Pengarah Klinikal ialah Unit Sokongan Klinikal, Unit Rekod Perubatan, Jabatan-jabatan berdasarkan perubatan, Jabatan berdasarkan Surgeri, Jabatan berdasarkan Makmal, dan Jabatan Perkhidmatan Pergigian.

Bagi Timbalan Pengarah Farmasi ialah perkhidmatan makmal, perkhidmatan pesakit luar, perkhidmatan pesakit dalam dan pengurusan perolehan bekalan dan pentadbiran. Manakala di bawah Timbalan Pengarah Pengurusan pula ialah Unit Pentadbiran Am, Unit Kewangan, Unit Kebajikan Perubatan, Unit Sumber Manusia, Unit Pemakanan dan Diatetik, Unit Keselamatan dan Unit Kejuruteraan.

Terdapat juga unit-unit lain di dalam carta organisasi hospital iaitu Unit Pembangunan Korporat, Unit Pembangunan Kepakaran dan Unit Produktiviti dan

Kualiti yang diketuai oleh penyelaras. Unit Sistem Maklumat diketuai oleh Ketua Penolong Pengarah dan Unit Perhubungan Awam pula diketuai oleh penolong pengarah.

Semasa menjalani latihan industri di HUSM, saya telah ditempatkan di Unit Kebajikan Perubatan. Ia telah mula beroperasi pada 1 September 1983 iaitu seusia dengan penubuhan hospital. Unit ini merupakan sebagai sebuah unit yang memberikan perkhidmatan diperingkat “secondary setting”, tumpuan perkhidmatan adalah untuk membantu pakar-pakar perubatan, pegawai-pegawai perubatan dan kakitangan paramedik dalam usaha memberi rawatan yang sebaik mungkin kepada pesakit.

Hospital hanya dapat menyediakan keperluan-keperluan asas perubatan tetapi sebagai satu aspek penting bagi memelihara kesejahteraan hidup, masalah sosial dan psikososial. Selain itu juga pesakit perlu diberi perhatian kerana kedua-dua aspek ini mempunyai kaitan yang rapat dalam proses rawatan secara keseluruhannya.

2.3 Objektif Hospital

- Memberi perkhidmatan kepada pesakit sama seperti perkhidmatan yang diberikan oleh hospital-hospital kerajaan yang lain.
- Mengadakan kemudahan untuk tujuan pengajaran dan pembelajaran
- Menyediakan kemudahan untuk tujuan penyelidikan perubatan